



瘍科證治準繩卷之六

金壇王肯堂輯 新安門人閔承詔校

跌撲傷損

金瘡 杖瘡 竹木刺針入肉 箭頭入骨

瘀血

素問云人有所墜墮惡血留內腹中滿脹不得前後

先飲利藥此上傷厥陰之脉下傷少陰之絡刺足內

踝之下然骨之前血脉出血刺足跗上動脉不已刺

三毛上各一瘡見血則已左刺右右刺左善悲驚不

藥刺如右方

繆刺 靈樞云有所墜墮惡血留內有

所大怒氣上而不行下積於脇下則傷肝又中風及

有所擊仆若醉入房汗出當風則傷脾又頭痛不可

取於腠者有所擊墮惡血在內若肉傷痛未已可側刺不可遠取之也邪氣臟腑及厥病篇

東垣醫學發明論曰夫從高墜下惡血留於內不分十二經絡醫人俱作中風肝經留於脇下以中風療之血者皆肝之所主惡血必歸於肝不問何經之傷必留於脇下蓋肝主血故也痛甚則必有自汗但人人有汗出皆屬風證諸風皆屬於肝木况敗血凝泣逆其所屬入於肝也從高墜下逆其上行之血氣非肝而何非傷寒無汗既曰汗必自風化之也故以破血行經藥治之

過多

靈樞又云身有所傷血出多及中風寒若有所墜墮四肢懈惰不收名曰體惰取小腹臍下三結交陽明太陰也臍下三寸關元也寒熱篇○三結交者即關元穴是也

劉宗厚曰打撲金刃損傷是不因氣動而病生於外外受有形之物所傷乃血肉筋骨受病非如六淫七情為病有在氣在血之分也所以損傷一證專從血論但須分其有瘀血停積而亡血過多之證蓋打撲墜墮皮不破而內損者必有瘀血若金刃傷皮出血或致亡血過多二者不可同法而治有瘀血者宜攻利之若亡血者無補而行之又察

其所傷有上下輕重淺深之異經絡氣血多少之殊唯宜先逐瘀血通經絡和血止痛然後調氣養血補益胃氣無不効也頃見圍城中軍士被傷不問頭面手足胷背輕重醫者例以大黃等藥利之後太黃缺少甚者遂以巴豆代之以爲不於初時瀉去毒氣後則多致危殆至於畧傷手指亦悉以藥利之殊不知太黃之藥惟與有瘀血者相宜其有亡血過多元氣胃氣虛弱之人不可服也其巴豆太熱有毒止能破堅逐積用於此疾尤非切當所以有服下藥過後其脉愈見堅大醫者不察又

以爲瘀血未盡而後下之因而夭折人命可不慎歟

脉法

內經云肝脉搏堅而長色不青當病墮若搏因血在脇下令人嘔逆脉經云從高顛仆內有血腹脹滿其脉堅強者生小弱者歿金匱云寸口脉浮微而澀然當亡血若汗出設不汗者其身有瘡被刀斧所傷亡血故也脉經云金瘡血出太多其脉虛細者生數實大者歿金瘡出血脉沉小者生浮大者歿砍瘡出血一二石脉來大者二十日歿砍刺出血不止者其脉止脉來大者

七日歾滑細者生

右破傷之脉若瘀血停積者堅強實則生虛細澀則歾若亡血過多者虛細澀則生堅強實則歾皆為脉病不相應故也

治法

戴院使云仆路不知曰擗兩手相搏曰撲其為損一也因擗撲而迷悶者酒調蘇合香丸灌之因擗撲而損傷宜逐其惡血酒煎蘇木調蘇合香丸或雞鳴散或和氣飲加大黃入醋少許煎或童便調黑神散不用童便用蘇木煎酒調亦得擗撲傷疼酒調琥珀散極佳烏藥順氣散亦可

大法固以血之瘀失分虛實而為補瀉亦當看損傷之輕重輕者頓挫氣血凝滯作痛此當導氣行血而已重者傷筋折骨此當續筋接骨非調治三四月不得平復更甚者氣血內停沮塞真氣不得行者必歾急瀉其血通其氣亦或有可治者焉傷損論曰夫傷損必須求其源看其病之輕重審其損之淺深凡人一身之間自頂至足有所傷打傷跌傷及諸外傷者皆有之凡此數證各有其說有當先表裏而後服損藥者為醫者當循其理治之然醫者意也不知意者非良醫也或者稟性愚昧不能觀其證之輕重明

其損之淺深未經表裏通利先服損藥誤人多矣有
因此痰涎上攻有因此大小臟腑閉結差之毫釐繆
以千里所謂醫不三世不服其藥信哉 此論治損
傷之大綱也然用藥固不可差而整頓手法尤不可
孟浪今以人之周身總三百六十五骨節開列於後
人身總有三百六十五骨節以一百六十五字都關
次之首自鈴骨之上為頭左右前後至轅骨以四七
九字共關七十二骨顛中為都顛骨者一有勢微有液
次顛為腰骨者一有勢微有液腰前為頂威骨者一有勢微有液
人無腰後為腦骨者一有勢微有液腦左為枕骨者一有勢微有液
此骨

無枕就之中附下為天蓋骨者一下為肺系之本蓋骨之後
為天柱骨者一下屬脊蓋前為言骨者一言上復合
勢無言下為舌本骨者左右共二有勢無腰前為顛骨
者一無勢顛下為伏委骨者一骨是人訛為伏犀伏委
之下為俊骨者一附下即眉宇之分也眉上左為天腎骨
者一無勢眉上右為天貴骨者一眉上直左睛之
上為智宮骨者一無勢右睛之上為命門骨者一睛
之下中鼻之前為梁骨者一無勢梁之左為顛骨者
一有勢梁之左為糾骨者一顛糾之後梁之端為
嵩柱骨者一無勢左耳為司正骨者一無勢右耳為

納邪骨者一上同正邪之後為完骨者左右共二無勢
 正邪之上附內為嚏骨者一無勢嚏後之上為通骨
 者左右前後共四有勢嚏上為嚆骨者一無勢其嚆
 後連屬為額也左額為乘骨者一有勢右額為車骨
 者一上同乘車之後為轅骨者左右共二有勢乘車上
 下出齒牙三十六事無勢庸下就則不滿其數復次鈴骨之下
 為臙中左右前後至祿以四十字關九十七骨轅骨
 之下左右為鈴骨者二多液鈴中為會厭骨者一無勢
 鈴中之下為咽骨者左中及右共三無咽下為喉骨
 者左中及右共三上同喉下為嚆骨者環次共十事上同

嚆下之內為肺系骨者累累然共十二無勢肺系之
 後為谷骨者一無谷下為偏道骨者左右共二上同嚆
 外次下為順骨者共八少液順骨之端為順隱骨者共
 八上同順下之左為洞骨者一無順下之右為棚骨
 者一無洞棚之下中央為髑髏骨者一無髑髏骨
 者二有勢左缺盆前之下為下駄骨者一無右缺盆
 前之下為分饒骨者一上同駄饒之後附下為倉骨者
 一上同倉之下左右為膠骨者共八有勢膠下之左為
 胸骨者一男此骨大者好勇女此骨大則

夫胸之下為鳥骨者一男子此骨滿者一此骨高鈴中之後為脊竅骨者共二十二天上接蕩之下為臆骨
 有脊竅次下為大動骨者一上通天柱共二十四椎大動之端
 為歸下骨者一道家謂尾間歸下之後為纂骨者一此骨能限
 精歸下之前條骨者一此骨薄者多處貧下復次缺盆之下左
 右至觀以二十五字關六十骨此下止分兩手臂支至十指之端衆骨
 其缺盆之後為偃申骨者左右共二有勢多液偃申之端
 為甲隱骨者左右共二此骨長則至腎前支缺盆為飛動骨
 左右共二此骨病非緩次飛動之左為龍臙骨者一有勢無
 無次飛動之右為虎衝骨者一上同龍臙之下為龍木

骨者一虎衝之下為虎端骨者一俱有勢本端之下
 為腕也龍本上內為進賢骨者一有髓男子此骨上
 內為及爵骨者一女人此骨高為命婦腕前左右為上力骨者
 共八有勢多液次上力為駐骨者左右共十上同次駐骨為
 擗骨者左右共十上同次擗為助勢骨者左右共十左助
 外為爪右爪甲之下各有觀骨左右共十無勢無液復次
 助外為甲爪甲之下各有觀骨左右共十無勢無液復次
 髑髏之下左右前後至初步以五十一字關一百三
 十六骨此下至兩乳下分左右自兩足心衆骨所會
 處也髑髏之下為心蔽骨者一無髓髑髏之左為脇骨
 者上下共十二居小腸之分也左脇之端各有脇隱骨者分

次亦十二無脇骨之下為季脇骨者共二多季脇之
端為季隱骨者共二無髀髀之右為肋骨者共十二
處太陽之分也肋骨之下為眇肋骨者共二各無隱骨唯獸有之右肋
之端為肋隱骨者共十二無蓀骨之前為大橫骨者
一有勢橫骨之前為白環骨者共二有勢白環之前
為內輔骨者左右共二有液內輔之後為骸關骨者
左右共二同骸關之下為捷骨者左右共二同捷骨
之下為髀樞骨者左右共二有勢髀樞下端為膝蓋
骨者左右共二多膝蓋左右各有俠升骨者共二
有勢髀樞之下為骭骨者左右共二有勢骭骨之外
多液

為外輔骨者左右共二有液骭骨之下為立骨者左
右共二同立骨左右各有內外踝骨者共四有勢踝
骨之前各有下力骨者左右共十有液踝骨之後各
有京骨者左右共二有勢下力之前各有釋欹之前
各有起仆骨者共十有勢起仆之前各有平助骨者左
右共十有勢平助之前各有襯甲骨者左右共十無勢
釋欹兩傍各有核骨者左右共二有勢起仆之下各
有初步骨者左右共二有勢無髓有液女人則無此骨凡此三百六
十五骨也天地相乘惟人至靈其女人則無頂威左
洞右棚及初步等五骨止有三百六十骨又男子女

人一百九十骨或隱或覩或無髓勢餘二百五十六
骨並有髓液以藏諸筋以會諸脉谿谷相露而成身
形謂之四大此骨度之常也

頭目鼻耳傷凡腦骨傷破輕手搏捺平正若皮不破
者用退腫膏敷貼若皮破肉損者先用封口藥按之
外以散血膏貼之若皮破血流者用止血散按之若
腫痛者用葛葉毛藤葉楓葉尾砍爛傅之不可見風
着水恐成破傷風 凡腦骨傷碎在硬處可治若傷
太陽穴不可治如在髮際須剪剃去髮看皮破不破
依上用藥敷若欲洗宜用熟油和藥水洗或和溫茶

洗之 凡面自傷青黑色用一紫散敷或紫金膏貼
傷重者用補肉膏敷貼 凡腦兩角及後枕或兩眉
有傷可治眼睛傷腫神不碎可治或眼胞傷紫黑色
用一紫散敷貼或紫金膏敷貼傷重者用補肉膏敷
貼或頭頂心有損則難治 凡鼻兩孔傷凹者可治
血出無妨鼻梁打撲跌磕凹陷者用補肉膏敷貼若
兩鼻孔跌磕傷開孔竅或刀斧傷開孔竅用封口藥
按傷處外以散血膏貼之退腫 凡耳斫跌打落或
上脫下粘或下脫上粘內用封口藥按外用散血膏
敷貼及耳後看脫落所向用鵝翎橫夾定却用竹夾

子直上橫縛定縛時要兩耳相對輕縛住

舌唇口喉齒頤傷凡唇口刀斧斫磕跌墮等傷破皮傷肉者先用桑白皮線縫合却以封口藥塗傳次以散血膏敷貼牽住所封藥不令開落仍少言語凡跌破唇耳鼻而拔缺者即以封口藥揅外以散血膏敷貼若缺唇缺耳先用麻藥塗之却以剪刀剪去外些皮即以絹線縫合缺耳作二截縫合缺唇作三截縫合以雞子黃油塗次以金毛狗脊毛薄摻些於上次以封口藥塗抹之次日以茶輕洗就揅末一日換一次至八日剪去線又揅末凡頤頰顙刀斧斫磕

跌墮等傷破皮肉者用封口藥填瘡口外以散血膏敷貼或跌磕損傷未破皮肉者用補肉膏敷貼凡刀斧斫磕跌被上唇而拔缺者用絹片一小條從腦後縛向前來縛合縫定次揅封口藥外以散血膏敷貼如下唇整法却以絹片從下頰兜縛及如前法整頓次揅末敷藥或無腫不須敷藥凡偶含刀在口內戲耍誤割斷舌頭未全斷者用封口藥傳一日換二三次藥七八日全安凡兩臉涎囊被刀斧斫磕跌墮等傷傷開涎囊者用絹線縫合却以封口藥塗敷外以散血膏敷貼七八日接住肉剪去線揅封口

藥 凡牙齒被人打跌砍磕去了牙齒者只用補肌散摻及封口藥按服被血藥止痛藥並用米煎藥服不宜用酒煎藥須知此法乃大有功 凡牙斷跌磕斫傷牙齒未動者用芙蓉膏末摻如齒動者用蒺藜根燒存性爲末常揩擦之卽牢 凡割喉者用騎脚患人頭項以絲線先縫內喉管却縫外頸皮用封口藥塗傅外以散血膏敷貼換藥或喉被人打歪以手搖正却以前膏敷貼若結喉傷重輒喉斷不可治以湯與之得入腸者可治若並出者不可治

頸骨肩膊脇肋傷

凡高處跌墮頸骨挫進者用手巾

一條繩一條繫在枋上垂下來以手兜縛頸下繫於後腦殺縛接繩頭却以瓦罌一箇五六寸高看捺入淺深斟酌高低令患人端正坐於其罌上令伸脚坐定醫者用手掣捺平正說話令不知覺以脚一踢踢去罌子如在左用手左邊撥出如在右用手右邊撥出却以接骨膏定痛膏敷貼又一法令患人卧牀上以入擠其頭雙足踏兩肩卽出 凡左右兩肩骨跌墮失落其骨又出在前可用手巾繫手腕在胸前若出在後用手巾繫手腕在背後若左出摺向右肱右出摺向左肱其骨卽入接左摸右鬚接右摸左鬚却

以定痛膏接骨膏傳之 凡肩井骨及脇下有損不可束縛只捺令平正用補肉膏接骨膏定痛膏敷貼兩肋骨亦然 凡肩胛骨出相度如何整用椅一箇令患人於椅後伸兩手於椅手圈住及以軟衣被盛墊脇下使一人捉定兩人拔伸却墜下手腕又着曲着手腕按捺平正却以定痛膏接骨膏敷貼絹片縛之

手傷手有四折骨六出曰凡手臂出曰此骨上段骨是曰下段骨是杵四邊筋脉鎖定或出曰亦剝損筋所以出曰此骨須拽手直一人拽須用手把定此間

骨擲教歸窠看骨出那邊用竹一片夾定一邊不用夾須在屈直處夾纔服藥後不可放定或時又用拽屈拽直此處筋多喫藥後若不屈直則恐成疾日後曲直不得 肩胛上出曰只是手骨出曰歸下身骨出曰歸上或出左或出右須用杵杵一枚矮枕一箇令患者立枕上用杵撐在於出曰之處或低用物墊起杵長則墊枕起令一人把住手拽去枕一人把住杵杵令一人助患人放身從上坐落骨節已歸窠矣神効若不用小枕則兩小梯相對木棒穿從兩梯股中過用手把住木棒正稜在出曰腋下骨節蹉

跌之處放身從上墜骨節自然歸曰矣 凡手脛手
腕骨脫綳直拽出醫用手擡起手脛腕以患人本身
膝頭墊定醫用手於頸項肩處按下其骨還窠却用
定痛膏接骨膏敷貼若手腕失落或在上在下用手
拽伸却使手撚住方可用前膏敷貼藥夾縛若手脛
骨出用圓椅橫翻向上醫用足踏住椅將病人手在
椅橫內校曲入腕內以小書簿上下夾定平穩却用
前膏敷貼用絹布兜縛兜縛時要掌向上若手盤出
曰不可牽伸用衣服向下承住用手搏按動搖挪令
平正却用前膏敷貼夾縛下用襯夾 凡手骨出向

左則醫以右手拔入骨出向右則醫用左手拔入一
伸一縮搖動二三次却用接骨膏定痛膏敷貼夾縛
凡手脚骨只一邊斷則可治若兩手脚骨皆斷者
不可治 凡手足骨斷者中間一坐縛可帶緊兩頭
放寬些庶氣血流蔭若如截竹斷却要兩頭緊中間
放寬些庶使氣血聚斷處 若接縛手者前截放寬
縛些使血散前去若按足者下截放寬些使氣血散
下去 凡用盤出向下將掌向上醫用手搏損動處
將掌曲向外捺令平正用前膏貼再用夾向背一片
長下在手背外向面一片短下在掌按處向小指一

此指傷也 外科
片長下在指曲處向太指一片短下在高骨處二度
縛之 凡兩手臂骨打斷者有碎骨跌斷者則無碎
骨此可辨之皆可用定痛膏接骨膏敷貼之 凡手
指跌撲刀斧打碎用雞子黃油潤次揆封口藥末外
以散血膏敷貼絹片縛定若跌撲咬傷者用澤蘭散
傳之若有寒熱者用退熱散傳之寒熱退即去之
凡手掌根出臼其骨交互相鎖或出臼則是剝出鎖
骨之外須是搦鎖骨下歸窠出或外則須搦入內或
入內則須搦出外方入窠曰共只用手拽斷則難入
窠十有七八成痼疾也宜接骨膏定痛膏敷貼夾縛

四折骨用杉皮竹片夾縛六出臼只宜以布帛包縛
不可用夾要時時轉動不可一時不動恐接直骨
胸腹傷凡胸前跌出骨不得入令患人靠實處醫人
以兩脚踏患人兩脚以手從脇下過背外相又抱住
患人背後以手於其肩掬起其胸脯其骨自入却用
定痛膏接骨膏敷貼 凡胸脯骨有拳槌傷外有腫
內有痛外用定痛膏敷貼內用破血藥利去瘀血次
用消血草搗酒服如刀傷先宜安骨定皮合口揆令
平正却以封口藥揆瘡口外以補肌散以雞子清調
敷貼內服補損藥活血丹之類 凡胸骨肋斷先用

破血藥却用定痛膏接骨膏敷貼皮破者用補肉膏敷貼凡胸脇傷重血不通者用菜豆汁生薑和服一以壯力人在後擠住自吐其血次用破血藥肚上被傷肚皮俱破腸出在外只腸全斷難醫傷破而不斷者皆可治療凡腸出可以病人手搭在醫人肩隨其左右收起以麻油潤瘡口整入腹却以通關散吹鼻打噴嚏令腸自入用桑白皮線向皮內縫合後以封口藥塗傷處外以補肌散以雞子清調勻敷貼或散血膏更妙線上以花乳石散敷之肚皮裂開者用麻縷爲線或槌桑白爲線亦用花乳石散

敷線上須用從裏重縫肚皮不可縫外重皮留外皮開用藥摻待生肉若腸上有小損孔以燈火照之腸中有氣射燈不可治又一法腸出吊起病人手用醋煎山豆根汁服一口至二口却以針於病人頸上一刺其腸自入凡肚皮傷破孔大肚腸與脂膏俱出放入內則用縫如孔小只有膏出用手掌去膏不用縫此膏出者已無用了不可復入肚中反成禍患只須壁去不妨此是閑肉但放心去之肚內被傷者專用利大小腸不可待秘恐成重患

腰腎股膝傷凡腰骨損斷用門下片放地下一頭斜

高些令患人覆眠以手伸上搬住其門下用三人拽伸以手按損處三時久却用定痛膏接骨膏敷貼病人渾身動作一宿至來日患處無痛却可自便左右翻轉仍用破血藥凡髀股左右跌出骨者右入左左入右用脚踏進摶捺平正用藥如跌入內令患人盤脚按其肩頭醫用膝旅入雖大痛一時無妨整頓平正却用接骨膏定痛膏敷貼只宜仰臥不可翻臥大動後恐成損患凡腰腿傷全用酒佐通氣血藥俱要加杜仲凡胯骨從髀上出者用二三人捉定腿拔伸仍以脚捺送入却用前等膏敷貼如在當內

出者則難治凡脚骨傷甚難整當臨時相度難泥一說凡兩腿左右打跌骨斷者以手法整其骨以手拽正上拽七分於前下拽五分於後整定用接骨膏定痛膏敷貼以來縛縛時先縛中正後縛上下外用副夾若上下有腫痛無慮五日方可換藥凡辨腿胯骨出內外者如不粘膝便是出向外從內捺入平正如粘膝不能開便是出向外從外捺入平正臨機應變凡脚盤出臼令患人坐定醫人以脚從腿上一踏一搬雙手一摶捺搖三次却用接骨膏定痛膏或理傷膏敷貼凡膝蓋損斷用手按捺進平

正後用前膏敷貼桑白皮夾縛作四截縛之其膝蓋
骨跌剝開者可用竹箍箍定敷藥夾定要四截縛之
膝蓋不開也若腫痛須用針刀去血却敷貼用夾
若或內外踝骨左右脚盤剝跌損傷用脚踏直拽正
按捺平正却敷貼前膏若膝頭骨跌出曰牽合不可
太直不可太曲直則不見其骨稜曲則亦然只可半
直半曲以竹箍箍住膝蓋骨以繩縛之凡骨節損
折肘臂腰膝出曰蹉跌須用法整頓歸元先用麻藥
與服使不知痛然後可用手法治之
脚傷脚有六曰四折骨凡脚板上交胛處出曰須用

一人拽去自用手摸其骨節或骨突出在內用手正
從此骨頭拽歸外或骨出向外須用力拽歸內則歸
窠若只拽不用手整入窠內誤人成痼疾也宜接骨
膏定痛膏敷貼夾縛四折骨用正副夾縛束六出曰
只宜以布帛包縛不可夾之凡脚膝出曰與手臂
肘出曰同或出內出外只用手一邊夾縛定此處筋脉
最多時時要曲直不可定放又恐再出窠時時看顧
不可踈慢宜接骨膏定痛膏敷貼夾縛凡脚大腿
根出曰此處身上骨是曰腿根是杵或出前或出後
須用一人手把住患人身一人拽脚用手盡力擗歸

巢矣或是剝開又可用軟綿繩從脚縛倒吊起用手
整骨節從上墜下自然歸巢却用接骨膏定痛膏敷
貼來縛

背脊骨傷凡剝脊骨不可用手整頓須用軟繩從脚
吊起墜下身直其骨使自歸巢未直則未歸巢須要
待其骨直歸巢却用接骨膏或定痛膏或補肉膏敷
以桑皮一片放在藥上杉皮兩三片安在桑皮上用
軟物纏夾定莫令曲用藥治之凡脚手骨被壓碎
者須用麻藥與服或用力刮開甚者用剪刀剪去骨
鋒便不衝破肉或有粉碎者去其骨免膿血之禍然

後用大片桑皮以補肉膏或定痛膏糊在桑皮上夾
在骨肉上莫令差錯三日一洗莫令臭穢用藥治之
又切不可輕易自恃有藥便割便剪便弄須要詳細
審視當行則行尤宜仔細或頭上有傷或打破或刀
傷或壓碎骨用藥敷貼縛之凡敷縛之際要於密屋
無風之所勿使風入瘡口恐成破傷風之患切記切
記

陰囊陰門傷凡陰囊被人扯脫者用雞子黃油塗以
金毛狗脊毛薄攤於上次挾封口藥又用散血膏敷
貼外却用中葉金鎖匙紫金皮水煎服洗用紫蘇葉

煎水洗。凡陰囊處有青黑紫色腫者用補肉膏敷貼或用定痛膏加赤芍草烏良薑肉桂各少許打和用韭菜砍爛同藥貼如無韭菜葱葉亦可仍服利小便藥。凡婦人腿骨出進陰門邊不可踏入用橈一條以綿衣覆上令患人於上卧醫以手拏患人脚用手一擰上在好脚邊上去其腿骨自入却用接骨膏定痛膏敷貼。凡下近腿膀陰囊等處不用通藥但貼不令血陰。

筋骨傷凡斷筋損骨者先用手尋揣傷處整頓其筋骨平正用接骨等膏敷貼用正副夾縛定正夾用彤

皮去外重皮約手指大排肉上以藥敷杉皮上藥上用副夾用竹片去裏竹黃亦如指大踈排夾縛。凡骨碎斷或未碎斷但皮破損肉者先用補肌散填滿瘡口次用散血膏敷貼如骨折要接骨膏敷貼夾縛或皮破骨斷者用補肉膏敷貼。凡骨斷皮破者不用酒煎藥或損在內破皮肉者可加童便在破血藥內和服若骨斷皮不破可全用酒煎損藥服之若只損傷骨未折肉未破者用消腫膏或定痛膏。凡皮破骨出差曰拔伸不入擗捺皮相近三分用快刀割開些捺入骨不須割肉肉自破了可以入骨骨入後

用補肉膏敷貼瘡四傍腫處留瘡口用補肌散填之
皮肉不被用接骨膏定痛膏敷貼若破者必有血出
用力整時最要快便凡皮裏有碎骨只用定痛膏
接骨膏敷貼夾縛十分傷害自然爛開肉其骨碎必
自出然後摻補肌散外以補肉膏敷貼凡骨碎看
本處平正如何太抵骨低是不曾損左右骨高骨定
損了如折骨要拔伸捺平正用藥敷貼以正副夾束
縛勿令轉動使損處堅固如出臼曲處要時時曲轉
使活處不强凡敷貼用板子一片就板子上將蕉
葉或紙被攤接骨膏定痛膏在上移在損處皮內有

碎骨後來皮肉自爛先摻補肌散次敷補肉膏碎骨
自出若破斷皮肉先以封口藥填塗用線縫合外用
補肉膏散血膏敷貼凡平處骨斷骨碎皮不破者
只用接骨膏定痛膏敷貼夾縛若手足曲直等處及
轉動處只宜絹包縛令時數轉動不可夾縛如指骨
碎斷止用苧蔴夾縛腿上用苧蔴繩夾縛冬月熱縛
夏月冷縛餘月溫縛凡拔伸捺正要羶絹軟物單
正仍拔伸當近在骨損處不得前去二節骨上仍拔
伸相度左右骨各有正斜拔者凡樽捺要手法快
便要皮肉相執平正整拔亦要相度難易或用三四

人不可輕易。凡筋斷用楓香以金沸草砍取汁調塗傳次用理傷膏敷貼。

束縛敷貼用藥 凡束縛春二日夏二日秋三日冬四日縛處用藥水泡洗去舊藥不可驚動損處洗了仍用前膏敷縛若束縛要杉木浸軟去麤皮竹片去黃用青共削約手指大片用杉木皮爲正夾竹片爲副夾疎排周匝以小繩三度縛縛時相度高下遠近使損處氣血相續有緊有寬說見前二三日一次換藥敷直要縛一箇月藥次以補損好膏貼之亦要以杉皮夾住令損處堅固骨老方不夾之其杉皮貼肉上

藥敷杉皮上紙被貼藥上竹片夾紙被上縛之。凡腫是血作用熱藥水泡洗次敷貼等草藥一時討不及者只用理傷膏貼最便。凡用夾須攤藥於紙上平兩頭要帶薄搭頭搭得不厚不礙肉平坦者無高低不均之患若四岸高低不均此上便有空缺不着肉處卽生疱切記之。凡敷貼接骨等藥疼痛不止者可加乳香沒藥楓香白芷肉桂南星獨活等味各量加些於藥中敷貼其肉溫暖疼痛卽住刀斧傷者去肉桂南星獨活。凡換藥不可生換用手巾打濕搭潤逐片取脫隨手盪洗換藥不可經停一時恐生

肉疱仍先攤藥隨即應手換之此大節病累遭害切
記之凡傷重其初麻而不痛應拔伸捺正或用刀
取開皮二三日後方知痛且先勻氣血凡被杖打
痛腫而未破者先用稜針出血若破者不須出血只
用撒地金錢山薄荷生地黃地薄荷豬鬃葉澤蘭
葉血見愁搗敷貼若成杖瘡用黑膏藥白膏藥紅膏
藥太乙膏牛脂膏貼之凡刀斧傷者看輕重用藥
如輕者只用補肌散按重者宜用封口藥按緊縛住
如傷重者外用散血膏敷貼

用藥訣打顛樹木壓或自高處顛下者此等傷皆驚

動四肢五臟必有惡血在內專怕惡心先用清心藥
打血藥及通大小腸藥次第先服臨服加童子小便
入藥內立効專用大小腸洗利恐作隘塞利害之甚
清心藥加前方通利大小腸藥服之自然俱通無悶
煩無惡血汚心以次用止痛藥服之即止顛撲傷
刀石傷諸般傷損至重者皆先服清心藥次服清小
便三服去血藥或被傷者血未結打從瘡口出或結
在內用藥打入太腸時即泄或被打破顛被木壓惡
血未積者用藥打散四肢或歸臟腑者或歸上膈者
打從口中吐出或歸中膈打入太腸泄出先用此急

救次服止痛藥卽二十五味藥中加減用 凡藥皆
憑湯使所使方先但用清心藥煎後用童便壹盞同
服或止痛重傷者則用薑湯燈心湯調二十五味藥
服之薄荷湯亦可 凡傷或刀傷及損內臟腑恐作
煩悶崩血之患如折骨者同薑酒服接骨藥傳之如
骨碎被重打重顛重木及石壓者皆用先服湯使法
並法用酒服如輕顛撲損傷則用薑湯調下二十五
味藥立効 凡打撲傷損折骨出臼者便宜用何首
烏散若發熱體實之人用疎風敗毒散若惡寒體弱
之人用五積交加散後用黃白紅黑四味末子補損

丹活血丹等藥調治之 凡折骨出臼者不宜用下
瘀血之藥及通利大便之藥只宜疎風順氣勻血定
痛補損而已 凡打撲砍磕從高跌墮瘀血攻心不
能言語者用獨聖散及破血藥下去瘀血卽能言語
次宜臨證詳治之 凡打撲跌墮傷於脇下瘀痛不
可忍者先用破血藥及獨聖散次以復元活血湯調
理 凡打撲跌墮損破皮肉紫黑色者先用破血藥
次用獨聖散又次用清上瘀血湯消下破血湯 凡
打撲損傷嘔惡血汁者先用獨聖散次用百合散又
次用生料四物湯加硬骨牛乳根加減調理 凡打

撲刀斧斫磕等傷破皮損肉血出去多頭目眩暈者
先用川當歸大川芎煎米服次加白芍藥熟地黃續
斷防風荆芥羌活獨活南星煎米加童便和服則可
不可用酒如血出少內有瘀血者以生料四物湯一
半加獨聖散一半煎米服未破皮肉者上碗加酒和
服 凡打撲刀斧斫磕等傷破傷風痛不可忍牙關
緊急角弓反張者用生南星防風等分爲末米泔調
塗患處又用熱酒童便各半調連進三服卽甦次用
疎風敗毒散調治之 凡刀斧硃磕傷破陰囊皮者
先服獨聖散次服止痛藥如內有宿血者用破血藥

凡刀斧傷破肚皮腸出者先用清心藥加童便和
服及用獨聖散次用止痛藥如血出過多先用當歸
川芎水煎服次加白芍藥熟地黃羌活獨活防風荆
芥白芷續斷水煎調乳香沒藥末和服之 凡傷損
藥中不可缺乳香沒藥此藥極能散血住痛 凡刀
斧跌磕閃肭脫臼者初然不可使用自然銅久後方
可用之折骨者宜使用之若不折骨不碎骨則不可
用修合諸損藥皆要去之好用自然銅必用火煨方
可服之然新出火者其火毒與金毒相扇挾香熱藥
毒雖有接骨之功其燥散之禍甚於刀劍戒之 凡

墮傷內有瘀血者必腹脹滿而痛或胸脇滿也宜用
破血藥清心藥及通利之自然而愈痛不止者用獨
聖散服之効驗如更不止用止痛藥服之大効如神
凡金刃所傷從高跌墮皮肉破損出血過多此宜
止疼無補爲先宜當歸補血湯若皮肉不破損者宜
作瘀血停積治之先以獨聖散次以破血藥隨證加
減續後痛不止者用止痛藥調理若胸脇疼痛用開
心草雪裏開蘇木煎酒入童便和服卽効又方單用
蘇木煎酒和童便服凡治刀斧金刃打撲從高跌
墮皮肉破損而傷重者中間破處搽封口藥或補肌

散四邊用截血膏箍住使新血不來潮作此秘傳之
妙訣也凡損傷妙在補氣血俗工不知惟要速効
多用自然銅恐成痼疾也初傷只用蘇木活血黃連
降火白朮和中童便煎服在下者可下瘀血但先須
補托在上者宜飲韭汁或和粥喫切不可飲冷水血
見寒則凝但一絲血入心卽斂凡老人墮馬腰痛
不可轉側先用蘇木人參黃芪川芎當歸陳皮甘草
煎服次以前藥調下紅黑黃白四末子補損丹活血
丹凡杖打閃肋疼痛皆滯血證宜破血藥下之痛
不可忍則傷血故也宜清心藥更不止用獨聖散大

効凡刀斧打撲斫磕跌斷血筒出如湧泉者此傷
經也用封口藥揅以手按實少時卽止又止血散揅
之亦可如腫痛搗葱炒熱縛之凡損大小便不通
未可便服損藥蓋損藥熱亦用酒澀秘愈甚看患人
虛實實者用破血藥加木通尚未通加芒硝虛者以
四物湯加枳殼麻仁桃仁滑腸之類虛人不可下者
四物湯加穿山甲凡服損藥不可喫冷物魚牛肉
極冷尤不可喫若喫牛肉痛不可治又瘟猪肉猪母
肉尤不可喫切記之凡損不可服草藥服之所生
之骨必大不得入曰相無君臣藥服則可要加溫補

氣血藥同煎凡損藥必熱能生氣血以接骨也更
忌用火炙如敷藥不効服藥亦不効凡用敷貼等
草藥皆要臨時生採新鮮者用之有効如出遠路討
不便者可爲末用研末不及生採者爲勝如無草藥
討處就用君臣藥接縛之凡損藥內用酒者不問
紅白只忌灰酒且重傷不可使用酒反承起氣作腹
脹胸滿切記切記如稍定却用酒水煎或湯浸酒
凡打傷在兩脇兩胸兩肚兩肋却用通氣通血清心
藥又看病人虛實不同虛者通藥須無補藥放緩且
用貼藥在前通藥在後凡用通藥反不通者後用

順氣藥腹肚全無膨脹而得安此爲不于血作乃是
氣閉不通如腹肚果有血作一通便下亦須以順氣
藥無之庶胸膈肚腹不致緊悶氣順後却用損藥
凡人醉卧跌牀下胛背疼痛不可屈伸損藥不効服
黑豆酒數日愈豆能下氣所損輕也 凡小兒跌橈
角上止用蘿蔔子煎服愈亦順氣也 凡整作之法
除頭腦上不可用藥水洗恐成破傷風餘可加熟油
同藥水避風洗之且與往痛整時先用熱酒磨草烏
服壹貳盞方整整時氣絕用蘇合香丸須甦未甦以
黑豆防風甘草黃連煎冷服或苡草搗水服不可用

鹽解之若吐加生薑汁 右皆專科用藥之法人有
虛實不可一律而施卽如末條整時先服草烏酒整
而氣絕灌以蘇合香丸走竄之劑未甦又以冷藥灌
之若施之氣虛之人慘於加亦矣惟薛氏法量證施
治專於內補可以遵用見後分證處治條學者宜審
焉

十不治證顛撲損傷或被傷入於肺者縱未卽死二
七難過 左脇下傷透內者 腸傷斷一半可醫全
斷者不可治 小腹下傷內者證候繁多者 脉不
實重者 老人左股壓碎者 傷破陰子者 血出

盡者肩内耳後傷透於内者皆不必用藥
整骨麻藥

草烏 叁錢

當歸

白芷 各貳錢半

右末每服伍分熱酒調下麻倒不知痛然後用手
如法整理

草烏散 治瘍骨節不歸巢者用此麻之然後下手
整頓

白芷

川芎

木鼈子

豬牙皂角

烏藥

半夏

紫金皮

杜當歸

川烏 各貳兩

舶上茴香

草烏 各壹兩

木香 半兩

右爲細末諸骨碎骨折出臼者每服壹錢好酒調
下麻倒不知疼處或用刀割開或用剪去骨鋒者
以手整頓骨筋歸元端正用夾板夾縛定然後醫
治或箭鏃入骨不出亦可用此藥麻之或鐵鉗拽
出或用鑿鑿開取出若人昏沉後用鹽湯或鹽水
與服立醒

外治方藥初氏云凡顫傷皮破血出處疼不可忍乃
風寒所着宜用葱杵碎入鹽少許炒熱罨上其痛卽
住冷則再溫之

本事方云崔給事頃在澤潞與李抱真作判官李相
方以毬杖按毬子其將軍以杖相格乘勢不能止因
傷李相姆指并爪甲劈裂遽索金刀藥裹之強坐頻
索酒飲至數杯已過量而面色愈青忍痛不止有軍
使言取葱新折者入唐灰火煨熱剝皮擘開其間有
淖取罨損傷處仍多煨葱續續取熱者凡三易之面
色却赤斯須云已不痛凡十數度易用熱葱并涕裹
纏遂畢席笑語

治腦骨破及骨折葱白爛研和蜜浮封損處立瘥
治殺傷氣偶未絕用葱白熱鍋炒熟徧傳傷處頃卽

定痛

用湯其痛自止但青葉亦可
定痛膏 治打撲傷損動筋折骨跌磕木石壓傷赤
腫疼痛

芙蓉葉

貳兩

紫金皮

獨活

南星

生

白芷

各伍錢

右末加生採馬藍菜墨斗菜各壹兩杵搗極爛和
末一處用生葱汁老酒和炒暖縛

若打撲跌磕壓傷骨肉痠疼有紫黑色未破皮肉
者加草烏肉桂良薑各叁錢研末薑汁調溫貼若
紫黑色已退除良薑肉桂草烏薑汁却以薑汁茶

清調溫貼之

若折骨出臼者加赤葛根皮寶塔草各貳兩搗爛和前藥一處又用肥皂拾枚童便煮去皮弦子膜杵搗極爛入生薑汁少許生白麵壹兩砍爛和勻入前藥同杵搗勻用芭蕉葉托用前後正副夾須仔細整頓其骨緊縛看後上下腫痛消方可換藥腫痛未退不可換藥

本治腕打傷筋損骨疼痛不可忍

生地

壹斤切

藏瓜薑糟

壹斤

生薑

肆兩切

右都炒令勻熱以布裹罨傷折處冷則易之曾有

入傷折宜用生龜尋捕一龜將殺患人忽夢見龜告曰勿相害吾有奇方可療於夢中授此方神効經驗方治跌撲瘀血作痛或筋骨疼痛

黃蘗

壹兩

半夏

伍錢

右為末用薑汁調塗患處以紙貼之如乾薑汁潤之周日易之

消毒定痛散

治跌撲腫痛

無名異

炒

木耳

炒

大黃

伍兩

右為末蜜水調塗如內有瘀血破去敷之若腐處更用當歸膏敷之尤好

截血

截血膏

治刀斧斫磕等處能化血破瘀退腫止痛

天花粉

各兩

薑黃

赤芍藥

白芷

各壹兩

右末茶清調勻敷瘡口四邊若刀斧傷於頭面血不止者急用此末茶清調勻塗頸上周圍若傷手則塗臂周圍若傷足則塗腿周圍若傷各處則塗瘡口周圍使截住其血不來潮作也
金瘡着水肉翻花者用韭汁調此末傳瘡口四邊以火微炙之又用早稻煙熏之瘡口出水即愈如無水出即是風襲倍加南星和敷

散血

散血膏

治打撲傷損跌磕刀斧等傷及虎傷瘡豬

牛咬傷

耳草葉

藤生藤上有棘葉如木綿葉又名猪穉耳又名虎睥草又名獅子睥

澤蘭葉

少許

右各生採杵搗極爛冷敷縛刀斧斫磕等傷破皮損肉者先用羊毛餅貼次貼此膏瘡口四邊用截血膏敷貼令血不來潮作一人跌被陰囊又一人

跌拔鼻孔者俱先整理皮肉端正用此膏効驗
一法不用羊毛餅只用金毛狗脊毛薄鋪些於
患口上次揆封口藥再却以此膏貼効更速
羊毛餅法

雞子清桐油各半打勻以羊毛薄捻作餅如紙樣
貼在患處上以散血膏或補肉膏敷貼
接補消腫膏 治證同前

耳草葉

雪裏開

水芹葉

烏苞葉

紫金皮

右末以雞子清入桐油少許調勻敷貼

活血散

治打撲傷折手足

右用菉豆粉新鐵銚內炒令紫色用熱酒同熱醋
調令成膏傅貼損處用紙花蓋貼將杉木一片或
二片縛定其効如神

一赤散

治傷損傅藥後起疱者以稜針挑破摻末

大黃

赤石脂

石膏

煨各等分

右末摻之

一黃散

治打撲傷痕紫黑有瘀血流注有熱者

大黃

右末薑汁調溫傅

一白散 治打撲傷痕紫黑有瘀血流注無熱者

半夏

右末薑汁調傳

萬金膏 治癰疽發背諸般瘡癤從高墜下打撲傷

損脚膝生瘡遠年賺瘡五般痔漏一切惡瘡並皆

治之

龍骨

鼈甲

苦參

烏賊魚骨

黃檗

黃芩

黃連

猪牙皂角

白芨

白斂

厚朴

木鼈子仁

草烏

川芎

當歸

洗焙

香白芷

各壹兩

沒藥

另研

乳香

另研各半兩

槐枝

柳枝

各肆寸長貳拾壹條

黃丹

壹斤半炒過

清油

肆斤

右除乳沒丹外將諸藥於油內慢火煎紫赤色去滓秤淨油叁斤放鍋內下丹不住手攪令黑色滴入水不散及不粘手下乳沒末再攪勻如硬入油些少以不粘手為度

洗藥荆葉散

治從高墜下及一切傷折筋骨瘀血

結聚疼痛

跌打損傷

頑荆葉 壹兩

白芷

細辛 去苗

蔓荆子

桂心

川芎

丁皮

防風 去蘆

羌活 各半

右作壹服入鹽半匙連根葱伍莖漿水伍升煎取
參升去滓通手淋洗痛處冷即再易避風處洗之
接骨接骨用好無名異參兩為末下乳檀沉木五香
各半錢重為末先燒鐵銚紅以五香三之一彈入銚
內候煙起則全下無名異待滾退火定後再上火炒
熱又將五香彈三之一彈入銚內候滾又退火如此
者凡三次訖出火毒即用骨碎補去毛約壹斤與生

薑等分搗爛以碗覆之候發熱先約取五之一入小
葱九莖連鬚去蒂同入沙盆搗細取其汁調前無名
異末貳錢衝老酒服之其查瘡患處即愈如年老氣
衰者再作一劑多飲酒力助之為妙

潔接骨丹敷貼藥

天南星

木鼈子 各肆兩

沒藥

乳香 各半兩

官桂 壹兩

右為細末薑壹斤去皮爛研取自然汁入米醋少
許白麪為糊同調攤紙上貼傷處以帛縛之用篋
夾定麻索子纏

失笑易員

三

接骨丹 治折骨出臼無草藥討處用此方効

南星_{生鹽} 木鼈子_{參兩} 紫金皮

芙蓉葉 獨活 白芷

官桂 松香 楓香_{各壹兩}

小麥麴_{貳兩} 乳香 沒藥_{各伍錢}

右末米醋生薑汁各少許入酒調勻攤油紙上夾縛冬月熱縛夏月溫縛

世治攣撲筋斷骨折用粟米半升木鼈肉貳拾箇半夏半兩婦人髮一團葱白鬚一小束同炒煙盡存性爲末熱醋調傅神効 治攣撲筋斷骨折用糯米壹

升阜角切碎半升銅錢百箇同炒至半焦黑去銅錢爲末用好酒調膏厚紙攤貼患處神効 走馬散 治折傷接骨

栢葉 荷葉 阜角_{俱生}

骨碎補_{去毛各等分}

右爲末先將折傷處揣定令入元位以薑汁調藥如糊攤紙上貼骨斷處用杉木片夾定以繩縛之莫令轉動三五日後開看以溫葱湯洗後再貼藥復夾七日如痛再加沒藥

乳香膏 治打撲傷損

乳香

五倍子

小麥麴各伍兩

松香

狗骨煨各壹兩

楓香

鍋底墨

右末用好酒調爲糊樣熱敷痛處不可敷破處若破爛者只用鳳尾草爲末摻之

骨碎補罨閃折筋骨折傷取根搗碎煮黃米粥和之

果傷處良
搗撲骨肉損醋搗肥阜爛厚罨之以帛縛之同便醋糟平胃散相和罨之

丹治癰傷骨折及血黯方用益元散半分人參湯調

乏次用薑汁好醋貳盞用獨子肥阜肆箇敲碎按於薑汁醋中調和以綿濾過去查煎成膏藥貼之偏身亦可

又方柑橘葉白酒糟杵細縛痛處或大段痛用火燒地令紅用醋并米泔潑地上急鋪薦令患人薦上卧蒸出汗內則服藥外則貼罨易安

續筋白膠香散 治皮破筋斷

右用白膠香爲末傳之又方金沸草根搗汁塗筋封口便可相續止痛

治傷斷筋骨續筋方

右取旋復根搗汁滴瘡中仍用滓傳瘡上封之二
七日卽筋骨便續更不用易

消重紫金皮散 治打撲傷損金刀箭鏃傷處浮腫

用此

紫金皮

醋炒

南星

半夏

川當歸

黃礬

鹽炒

草烏

炮

川烏

炮

杜當歸

川芎

烏藥

破故紙

川白芷

鹽水炒

劉寄奴

川牛膝

桑白皮

各等分

右爲細末生薑薄荷汁無水調傳腫處或傷處皮

熱甚加黃礬皮生地黄半兩有瘡口者勿封瘡口
四邊傳之

本事治打撲傷損及一切腫癰未破令肉消方

生地黄

研如泥

木香

細末

右以地黄膏隨腫大小攤於紙上摻木香末一層
又再攤地黄膏貼腫上不過三五度卽愈昔許元
公入京師赴省試過橋墜馬右臂曰脫路人語其
僕曰急與按入曰中若血漬曰則難治矣僕用其
說許以昏迷不覺痛遂僦輦昇歸邸或曰非錄事
巷田馬騎不能了此疾急召之至巳日暮因秉燭

視其面曰尚可治乃施藥封此處至中夜方甦達旦痛止去其封損處已白其青瘀乃移在白上自是日白易之腫直至肩背以藥下之瀉黑血參升五日復常遂得赴試蓋用此法云

消腫膏 治胸脇跌墮打撲損傷腫痛或動筋折骨

芙蓉葉

紫金皮各伍兩

白芷

當歸

骨碎補

獨活

何首烏

南星各叁兩

橙橘葉

赤芍藥各貳兩

石菖蒲

肉桂各伍錢

右末以熱酒薑汁調乘熱縛腫用葱汁茶清調和

溫縛動筋折骨加山樟子葉毛銀藤皮及葉各伍兩

兩同煎為末酒調暖敷縛

芙蓉膏 治打撲傷損腫痛紫黑色久不退者

紫金皮

南星各壹兩

芙蓉葉貳兩

獨活

白芷

赤芍藥各伍錢

右末生薑汁茶清調溫貼縛

傷損紫黑色久不退者加肉桂伍錢

紫金膏 治赤腫焮熱者

芙蓉花葉貳兩白者佳

紫金皮壹兩

右生採入生地黄同搗傳貼或為末以雞子清入

蜜少許和勻調入生地黄砍爛和傳
拯損膏 治諸傷損

天花粉

芙蓉葉

紫金皮

赤芍藥

南星

獨活

當歸

白芷

各壹兩

牡丹皮

叁錢

右末薑汁調熱傳貼疼痛甚者加乳香沒藥各少許

松葱膏

治傷損

松香

葱連根葉

炒熱

右杵搗成膏炙熱縛傷處先以生薑砍爛炒熱罨

少時次以此膏貼之退腫住痛

退腫膏

治頭腦破傷損或跌破或刀斧傷處或被

杖棒打破及別處傷

芙蓉葉

地薄荷

耳草葉

澤蘭葉

金桐葉

赤牛膝

大黃

另研末各等分

右砍爛傳貼傷處中間留孔出氣用澤蘭葉盪軟貼住冬月用芭蕉葉一日一換藥用茶洗傷處若傷處浮腫用小青葉搗傳後用瓦池葉地薄荷搗傳後痛不住用葛葉毛藤葉楓葉尾砍傳貼住痛

耳鼻

治擦落耳鼻用髮入罐子鹽泥固濟煨過為末乘急以所擦落耳鼻蘸灰綴定以軟絹縛定効江懷禪師為驢所咬下鼻一僧用此綴之効

眼

一紫散 治傷損眼胞青黑紫色腫痛

紫金皮

童便浸半日曬乾

生地黄

各等分

右砍爛茶清調勻傳貼餘處傷不用製

一綠散 治打撲眼胞赤腫疼痛

芙蓉葉

生地黄

各等分

右砍爛傳貼或為末雞子清調勻傳之

指

退熱散 治跌磕打傷惟大指中指傷命餘指無妨

山布瓜根

多

景天草

澤蘭葉

地薄荷

魚桐根皮

右搗爛冷縛傷處大退身上寒熱

澤蘭散 治跌撲咬傷及咬傷手指并刀斧傷

芙蓉葉

澤蘭葉

白佛桑葉

地薄荷

耳草葉

右搗爛冷縛傷處留口通氣以七葉楊香葉或池

黃葉熱茶盪輒貼住

肩

負重擔肩破者剪猫兒頭上毛不語唾粘之

脚

遠行脚打泡用調生麪糊貼過夜即乾不可擦破又

跌撲傷

卷六

七

法用飯粘貼過夜以紙蓋之次日平復神効

內服方藥

表脉浮緊證發熱惡寒體痛此挾有外邪宜發散
四季傷損發散春五積散香蘇散夏香薷飲五苓散
秋正氣散冬和解散加減以上諸方血見傷寒寒熱加柴胡前
胡黃芩頭痛加川芎白芷脚氣加白芷檳榔木香痰
加南星半夏烏梅氣喘加人參木香沈香寒加蒼朮
半夏陳皮右等分咬咀葱白煎空心服
疎風敗毒散 治打撲諸損動筋折骨跌磕墮傷者
當歸 川芎 白芍藥

熟地黄

羌活

獨活

桔梗

枳殼

柴胡

白茯苓

白芷

甘草

紫蘇

陳皮

香附

右生薑生地黃煎入酒和服

加味交加散

治打撲傷損折骨出臼發熱惡寒體

弱之人用此服之若體實之人宜疎風敗毒散

當歸

川芎

白芍藥

生地黄

蒼朮

厚朴

陳皮

白茯苓

半夏

跌打傷損

羌活

獨活

桔梗

枳殼

前胡

柴胡

乾薑

肉桂

甘草

右生薑煎服

有熱除乾薑肉桂

羌活乳香湯

治跌撲傷損動筋折骨發熱體痛挾

外邪者

羌活

獨活

川芎

當歸

赤芍藥

防風

荆芥

丹皮

續斷

紅花

桃仁

陳皮

右生地黄煎服

有熱加柴胡黃芩

裏肝脉搏堅而長脇下痛不可忍宜行瘀血

海藏

云若登高墮下重物撞打箭鏃刃傷心腹胃中停積

鬱血不散以上中下三焦分之別其部分上部易老

犀角地黄湯中部桃仁承氣湯下部抵當湯之類下

之亦有以小便酒同煎治之更有內加生地黄當

歸煎者有大黃者又法虛人不禁下者以四物湯加

穿山甲煎服妙亦有花藥石散以童子小便煎或酒

服之者此藥與前寒藥正分陰陽不可不辨也若瘀

血已去用復元通氣散加當歸煎服亦可

仲景治馬墜及一切筋骨損傷

大黃

壹兩切湯浸或半兩

緋帛

亂髮

如雞子大燒灰

敗蒲席

叁寸

久用炊單布

壹尺燒灰

桃仁

肆拾玖箇去皮尖

甘草

如中指節炙剉

右柴味以童子小便量多少煎湯或內酒壹大盞次下大黃去查分溫叁服先剉敗蒲席半領煎湯浴以衣被覆斯須通利數行通後立瘥利後浴水赤勿怪卽瘀血也

復元活血湯

治從高墮下惡血流於脇下及疼痛

不可忍者經云有所墮墜惡血留內有所大怒氣

上而不行下損於脇則傷肝肝膽之經俱行於脇下經屬厥陰少陽宜以柴胡爲引用爲君以當歸活血脉又急者痛也以甘草緩其急亦能生新血陽生陰長故也爲臣穿山甲括蔓根桃仁紅花破血潤血爲之佐大黃酒製以蕩滌敗血爲之使氣味相合各有所歸痛自去矣

柴胡

伍錢

當歸

穿山甲

炮

括蔓根

各叁錢

甘艸

紅花

各貳錢

桃仁

去皮尖伍拾箇

大黃

酒浸壹兩

右件桃仁研爛餘藥剉如麻豆大每服壹兩水貳

鍾酒半盞煎至未分去查大溫服食前以利爲度
得利後痛或不盡服乳香神應散方見後
巴戟湯古治從高墜下及打撲內損昏冒嗜臥不能
飲食此謂血閉臟腑不通

巴戟

去心

大黃

各半兩

當歸

地黃

芍藥

川芎

各壹兩

右爲末水煎以利爲度

當歸導滯散東垣治打撲損傷落馬墜車瘀血太便不
通紅腫青黯疼痛昏悶畜血內壅欲歔

大黃

壹兩

當歸

貳錢半

麝香

少許

右參味除麝香別研外爲極細末入麝香令勻每
服參錢熱酒壹盞調下如前內瘀血去或骨節傷
折疼痛不可忍以定痛接骨紫金丹治之
又導滯散治重物壓傷或從高墜下或吐血不能
禁止或瘀血在內胃腹脹滿喘促氣短

當歸

大黃

各貳兩

右爲細末每服參錢不拘時溫酒調服

奪命散生治刀傷所傷及從高墜下木石壓損瘀血
凝積心腹疼痛大小便不通

水蛭

用石灰拌慢火炒令乾黃色半兩

黑牽牛

貳兩

失業傷員

小斗六

四日

右末每服貳錢熱酒調下約行四五里再用熱酒調黑牽牛末貳錢催之須下惡血成塊以盡爲度雞鳴散_{因三}治從高墜下及木石所壓凡是傷損血瘀凝積氣絕欲死煩躁頭痛叫呼不得並以此藥利去瘀血治折傷神妙

大黃_{壹兩酒蒸}

桃仁_{貳米粒去皮尖}

右研細酒壹碗煎至陸分去查雞鳴時服次日取下瘀血卽愈若便覺氣絕不能言取藥不及急擘白開用熱小便灌之卽愈清上瘀血湯治上膈被傷者

羌活

獨活

連翹

桔梗

枳殼

赤芍藥

當歸

梔子

黃芩

甘草

川芎

桃仁

紅花

蘇木

大黃

右生地黃煎和老酒童便服

消下破血湯治下膈被傷者

柴胡

川芎

大黃

赤芍藥

當歸

黃芩

五靈脂

桃仁

枳實

梔子

赤牛膝

木通

澤蘭

紅花

蘇木

右生地黃煎加老酒童便和服

大紫金皮散

治打撲傷折內損肺肝

紫金皮

降真香

補骨脂

無名異

燒紅酒
焯柴次

川續斷

琥珀

另研

牛膝

酒浸
壹宿

桃仁

去皮
炒

當歸

洗焙

蒲黃

各壹
兩

大黃

濕紙
裹煨

朴硝

另研各
壹兩半

右爲細末每服貳錢食前濃煎蘇木當歸酒調服

破血藥

治打撲墮馬從高跌下皮肉不破者此藥

血停積內攻不能言語而或譫妄此宜攻利爲先

若皮破血流者宜作金瘡亡血過多治之

柴胡

黃芩

五靈脂

枳實

當歸

赤芍藥

川芎

生地黃

大黃

朴硝

桃仁

紅花

蘇木

右水煎入酒童便和服皮破血流者不用酒

羅氏花蕊石散

治一切金刃箭鏃傷及打撲傷損

猶狗咬傷或至死血瘀傷處以藥摻之其血化爲

輕者
內消

失藥場損

小引

四六

黃水再摻藥便活更不疼痛如內損血入臟腑煎童子小便入酒少許調壹大盞服之立効若牛舐腸出不損者急內腸入用細絲或桑白皮爲線縫合肚皮縫上摻藥血止立活如無桑白皮用生麻縷亦得並不得封裹瘡口恐作膿血如瘡乾以津液潤之然後摻藥婦人產後敗血不盡血迷血暈惡血奔心胎死腹中胎衣不下至死者但心頭覺暖急以童子小便調壹盞取下惡物如肝片終身不患血風血氣證若膈上有血化爲黃水卽時吐出或隨大便出

石硫黃

肆兩

花蕊石

貳兩

右貳味相拌合勻先用紙筋和鹽泥固濟瓦罐子壹箇內可容藥候泥乾入藥在內再用泥封口候乾安在四方磚上上書八卦五行字用炭壹秤籠疊周匝自巳午時從下着火漸漸上徹直至經宿火冷炭盡又放經宿確冷取出細研以絹羅子羅極細磁盒盛之依法使用

破血消痛湯東垣治乘馬損傷跌破脊骨惡血流下脇下甚痛苦楚不能轉側妨於飲食

羌活

防風

官桂

錢各壹

蘇木

壹錢半

柴胡

連翹

當歸

稍各貳錢

麝香

火許另研

水蛭

參錢炒去煙盡另研

右為麝末只壹服酒貳太盞水壹盞水蛭麝香另研如泥餘藥煎至壹大盞去火稍熟調貳味服之兩服立愈

經治折傷用水蛭新丸上焙乾為細末熱酒調下壹錢食頃痛更壹服痛止便將接骨藥封以物夾定直候至好

世治從高至下墜及打擊內傷神効麝香水蛭各壹兩剉碎炒煙出貳件研為細末酒調貳錢當下畜血

未止再服其効如神

衍自然銅有人飼折翅鴈後遂飛去今人打撲損傷研極細末飛過用當歸沒藥各半錢以酒調頻服仍以手摩痛處

海治墜落車馬筋骨疼痛不止用玄胡索壹兩搗羅為散不計時服以豆淋酒調下貳錢

本童便治卒血及心被打內有瘀血者煎服之壹服壹升

山顛撲傷損松節煎酒喫 顛撲重傷用生薑自然汁肆兩香油肆兩打勻無灰酒熱調下

塞上方治墜傷損撲瘀血在內煩悶者用蒲黃末空心熱酒調下參錢瘧

表裏二十五味藥治顛撲損傷骨折筋斷刺痛不問輕重並皆治之

香白芷

紫金皮

破故紙各醋炒

劉寄奴

川當歸

赤芍藥米泔浸

黑牽牛

川牛膝

生地黄鹽水浸炒

川芎

乳香

沒藥

木通

自然銅

骨不碎不用
臨好時用

草烏

醋炒孕
婦不用

木香

川烏

火煨孕
婦不用

藿香

骨碎補

木賊

官桂

羌活

獨活已上各
壹兩

熟地黄

鹽水炒

杜牛膝

茶水炒
各半兩

金刀傷挫白者去自然銅骨碎骨折者用之然須於此方內去自然銅臨好時却入用之如早服以成他疾同研為末用蜜為丸如彈子大用黃丹為衣或被顛撲損傷金刀箭鏃不問輕重每服壹丸溫酒磨化服或細嚼酒送下如被刀傷全斷肉損重者以薄荷湯或木瓜湯薑湯燈心湯皆可服病在上食後病在下食前在中者不拘時服老人

骨脉冷宜加當歸川芎川烏木香丁香人參半兩
去白芍藥生地黃

沒藥降聖丹

治打撲傷損筋斷骨折攣急疼痛不

能屈伸及榮衛虛弱外受風邪內傷經絡筋骨緩
縱皮肉刺痛肩背拘急身體倦怠四肢少力

沒藥

足研

當歸

酒洗

白芍藥

骨碎補

畢去

川烏頭

生去

自然銅

火煨醋

次研爲末水飛

過焙各壹兩

生地黃

各壹兩

川芎

兩半

右爲細末以生薑自然汁與煉蜜和丸每壹兩作
肆丸每服壹丸搥碎用米酒各半鍾入蘇木少許

煎至捌分去蘇木空心服

清心

清心藥

治打撲傷損折骨出臼刀斧斫磕等

傷及肚皮傷破腸出者

牡丹皮

當歸

川芎

赤芍藥

生地黃

黃芩

黃連

連翹

梔子

桃仁

甘草

右燈心草薄荷煎入童便和服

本治

打撲墜損惡血攻心悶亂疼痛水仙散

未展荷葉陰乾壹味爲末食前以童子熱小便壹

小蓋調下參錢以利下惡物爲度

聖治撲打墜損惡血攻心悶亂疼痛以大乾荷葉伍片燒令煙盡細研食前以童子熱小便壹小蓋調參錢七日參服

止痛藥

治打撲傷損折骨出臼金瘡破傷

當歸

牛膝

川芎

淮生芩

赤芍藥

白芷

羌活

獨活

杜仲

續斷

各壹兩

肉桂

八角茴香

乳香

沒藥

各伍錢

南木香

丁皮

沉香

血竭

各貳錢半

右末老酒調服

散血定痛補損丹

治諸般傷損腫痛

當歸

川芎

赤芍藥

生芩

白芍藥

牛膝

續斷

白芷

杜仲

製

骨碎補

五加皮

羌活

獨活

南星

製

防風

各壹兩半

官桂

乳香

沒藥

各壹兩

南木香

丁皮

角茴

各伍錢

右末酒調服

定痛當歸散

治諸損腫痛

當歸

川芎

赤芍藥

白芍藥

熟芩

羌活

獨活

牛膝

續斷

白芷

杜仲

川烏

乳香

沒藥

肉桂

南木香

角茴

丁皮

右末酒調服

四草定疼湯

治打撲跌墮壓磕等傷腫痛

山薄荷

寶塔草

矮金屯葉

皺面藤葉

右生採葉搗酒服根梗煎酒服

聖靈丹 治一切打撲損傷及傷折疼痛不可忍者

並宜服之

乳香

烏梅

白米

蒿苳子

壹大盞炒取

右爲細末煉蜜和丸如彈子大每服壹丸細嚼熱

酒吞下食後壹伏時痛不止再服

活血順氣何首烏散

治打折筋骨初然便宜服此

跌撲傷員

外丹

五三

藥順氣疎風活血定痛

何首烏

當歸

赤芍藥

白芷

烏藥

枳殼

防風

甘州

川芎

陳皮

香附

紫蘇

羌活

獨活

肉桂

右薄荷生地黃煎入酒和服疼痛甚者加乳香

沒藥

調經散治跌撲損傷疎利後用此藥調理

川芎

當歸

芍藥

黃芪

各壹錢半

青皮

烏藥

陳皮

熟地黃

乳香

另研

茴香

各壹錢

右作壹服水貳鍾煎至壹鍾不拘時服

本宣和中有一國醫忽承快行宣押就一佛刹醫內

人醫診視之已昏死矣問其從人皆不知病之由惶

恐無地良久有一二老內人至下轎環而泣之方得

其實云因蹴軟轎自空而下墜死醫者云打撲傷損

自屬外科欲申明又恐後時參差不測再視之微覺

有氣忽憶藥篋中有蘇合香丸急取半兩於火上焙

失誤傷身

小科

卷三

去腦麝用酒半升研化灌之至三更方呻吟五更下惡血數升調理數日方瘥先夫人之喪一守靈婦登高取物墜下昏冒不省人事予急令煎蘇木湯調蘇合香丸灌之明白已平復矣

活血丹 治打撲傷損動筋折骨跌墮斫磕刀

斧等傷諸般風疾左癱右瘓手足頑麻婦人血風渾身疼痛冷痺一切損傷悉皆治之

青桑炭壹斤 當歸 牛膝

川芎 赤芍藥 熟芩

黑豆酒煮 何首烏 南星製

白芷 老松節燒 杜仲製

破故紙 羌活 獨活

蒼朮製 防風 荊芥

骨碎補 桔梗 栗問

續斷各肆兩 草烏醋煮炒 川烏炮

肉桂 木鼈子炒 角茴

地龍去土 白斂 白芨煨

細辛 降真香 檀香

松香 楓香 五靈脂

京墨煨 血竭 乳香

沒藥各貳兩

右末醋煮秫米粉糊爲丸彈子大曬乾以生漆抹
手上挪漆爲衣陰乾却以布袋盛挂於風處經久
不壞亦不失藥味每服用當歸酒磨下傷筋折
骨加自然銅煅醋淬貳兩若金亦出白不可用之
大活血丸治打撲傷損折骨碎筋瘀血腫痛癱瘓
頑痺四肢痠疼一切痛風等證

青桑炭壹斤

栗間

骨碎補

南星製

白芍藥

牛膝

川烏炮

黑豆酒煮各壹兩陸錢

自然銅

木鼈子各捌錢

細辛壹兩

降真香節

楓香各叁錢

乳香

沒藥

血竭各陸錢

右末醋煮秫米粉糊集衆手搓爲丸緩則發裂如
彈子大候乾用生漆爲衣久則不壞每用壹丸用
無灰酒磨化服

黃耆子治證同前

川烏炮

草烏醋煮炒

降真香

楓香

肉桂

松香

薑黃

乳香

沒藥

細辛

各伍錢

當歸

赤芍藥

羌活

獨活

川芎

蒲黃

白芷

五加皮

桔梗

骨碎補

蒼朮

醋炙

何首烏

川牛膝

片薑黃

各壹兩

右末酒調下欲好之際加自然銅製壹兩只折骨

者便可用之

白朮子 治證同前

白芷

南星

製

白朮

何首烏

桔梗

羌活

獨活

白芍藥

白楊皮

川芎

白茯苓

白斂

當歸

薏苡仁

炒

骨碎補

牛膝

續斷

川烏

炮

細辛

肉桂

楓香

乳香

沒藥

各壹兩

右末酒調下欲好之際加自然銅製壹兩只折骨

者便可用之

紅朮子 治證同前

獨活

何首烏

南星

製

白芷

羌活

當歸

骨碎補

蘇木

牛膝

赤芍藥

紅花

川芎各貳兩

細辛

川烏製

桔梗

降真香

楓香

血竭

乳香

沒藥各壹兩

右末酒調下欲好之際加自然銅製壹兩只折骨

者便可用之

黑末子 治證同前

雄雞毛燒

桑炭

老松節炒存性

嫩松心

側柏葉醋煮各肆兩

當歸

牛膝

何首烏

黑豆製

南星製

骨碎補血熱熟地黃

羌活

獨活

赤芍藥

川芎

白芷各貳兩

細辛

肉桂

川烏炮

草烏製

木鼈子

南木香

五靈脂

降真香

乳香

沒藥

楓香各壹兩

百草霜伍錢

右末熱酒調下欲好之際加自然銅製壹兩只折

骨者便可用之

牡丹皮散 治跌撲閃剝傷損滯血疼痛

牡丹皮

紅花 酒浸

沒藥

續斷

桃仁

乳香

川芎

骨碎補

赤芍藥

生地黄

右水酒煎服却用秫米飯熟罨縛冷又蒸熱換縛
橘木四物湯 治跌撲磕傷滯血體痛飲食少進

當歸

川芎

白芍藥

淮生芋

陳皮

白朮

紅花

桃仁

右生地黄煎服

骨節疼加羌活獨活 痛不止

加乳香沒藥

黑神散

黑豆

去皮炒

熟乾地黄

酒浸

當歸

去蘆酒製

肉桂

去皮

乾薑

炮

甘艸

炙

芍藥

蒲黃

各肆兩

右爲細末每服貳錢酒半盞童子小便半盞不拘

時煎調服

當歸補血湯

治金刃所傷及跌磕打撲皮肉破損

片血過多此宜止痛無補為先若皮肉不破損者
宜作瘀血停積治之

當歸

川芎

白芍藥

熟芩

防風

連翹

羌活

獨活

乳香

沒藥

白芷

續斷

杜仲

右生地黃煎入童便和服不可用酒 氣虛加人
參白朮黃芪 按補血須用參芪為君此止用四
物亦活血之藥非補血也況加以羌獨防芷之耗

散乎

順氣復原通氣散

治打撲傷損作痛及乳癰便毒

初起或氣滯作痛

木香

茴香

青皮

穿山甲

酥炙

陳皮

白芷

甘草

漏蘆

貝母

右為末每服壹貳錢溫酒調下

薛按前方治打撲閃錯或惱怒氣滯血凝作痛之
良劑經云形傷作痛氣傷作腫又云先腫而後痛
者形傷氣也先痛而後腫者氣傷形也若人元氣

素弱或因吐號血氣損傷或過服尅伐之劑或外傳寒涼之藥血氣凝結者當審前條大法用溫補氣血爲善

接骨

接骨神効無比累驗用當參錢壹百零捌箇

厚錢

字連以鐵線穿定用活桑木壹根作柴燒錢紅米醋壹大碗未煎者不入鹽將所燒錢焯入醋中如此焯之以醋乾爲度取醋中焯落銅錢末就用醋洗去灰曬乾爲極細末再用黑雄雞壹隻清湯煮熟去肉用骨壹副以醋炙酥爲末入乳香沒藥各壹兩與銅錢末一處和勻每服壹字臨服時用患人髮在頂上者

洗去垢燒灰入藥中無灰酒調服不吐只壹服如吐出再服如痛止不可再服必須先夾縛所折骨端正用楊樹皮刮去肉糊并外麤皮傳之下咽便不痛五七日便能運動必終身忌葷薺一名地栗

一方用五銖錢醋焯壹兩貳錢黑雞骨叁兩研細勻每服病在下肆錢疎服食前病在上貳錢半頻服食後一方有乳香沒藥

潔古方用醋焯半兩錢蘇木定粉南鵬砂各壹錢爲末作壹服當歸酒二三服痛止勿服

丹接骨散

夫藥易員

小件六

六

沒藥

滑石

貳兩

乳香

各伍錢

自然銅

壹兩醋淬

白石脂

各貳錢

麝香

後入少許

龍骨

叁錢

赤石脂

右爲細末以好醋浸沒煮多爲上候乾就炒燥爲

度臨服入麝香少許挑小茶匙在舌上溫酒下病

分上下食前後服若骨已接尚痛去龍骨石脂而

多服儘好

世又方接骨

乳香

沒藥

蘇木

降真節

川烏

去皮尖

松明節

自然銅

米醋焙各壹兩

地龍

去土麻油炒半兩

血竭

叁錢

龍骨

半兩生用

水蛭

油炒半兩

土狗

拾箇油浸炒

右爲細末每服伍錢酒調下在上食後在下食前

定痛接骨紫金丹

麝香

沒藥

紅娘子

各壹錢半

烏藥

地龍

去土

茴香

陳皮

青皮

各貳錢半

川烏

草烏

炮各壹兩

五靈脂

去皮

木鼈子

去殼各半兩

黑牽牛

伍分生用

骨碎補

葳靈仙

金毛狗脊

防風

去蘆

自然銅

醋焙各伍錢

禹餘糧肆錢

右爲細末醋糊丸如桐子大每服拾丸至貳拾丸溫酒送下病上食後病下食前服

麥兜散

半兩錢煨醋焙自然銅煨醋焙地鼈蟲焙乾

右參味等分每服酒調壹分不可多多則骨高起矣

一方用五銖錢煨淬研細每服壹麥殼許麝香漿調下

接骨仙方

人骨小兒者尤佳乳香貳錢

喜紅絹壹尺燒存性

末之每服貳錢溫酒下

又方

小兒骨煨壹兩乳香伍錢

白麴參錢

右爲末無根水調爲丸如梧桐子大每服參拾丸熱酒吞下

搜損尋痛丸 能接骨徧身疼痛久損至骨如金刃傷則後用之

乳香 沒藥 茴香炒各貳錢

肉桂參錢 軍薑炒 丁皮

獨活

炒

草烏

炒黃色

赤芍藥

炒

石粘藤

炒

白芷

各伍錢

當歸

川芎

薏苡仁

炒各壹兩如筋絕脉絕多加此壹味

骨碎補

兩炒貳

右作末蜜爲丸用生薑細嚼溫酒吞下如爲末用薑酒調服亦可浸酒喫亦可如折傷則須用藥徧身頑麻方可用藥接骨加草烏壹七多熱酒調服量人老弱虛實加減用之如其人麻不解可用大烏豆濃煎汁解之如無豆淡煎濃豉亦可如吐加薑汁

